

# 1960 джилин зуран тоод кӧдлджанӧ

Сарпинск района «40 лет октября» колхозин малчир КПСС-н ЦК-н Пленум уктлгъна социалистическ дӧрлдӧнд шунмгъа кевӧр орцад государствд мах, ӱс болн ноос хулдлгъна социалистическ даалгъвран болзгаснь урд кӱцӧв. Ӧдгӧ цагт иргч джилин зуран тоод государствд ӱс хулдлгън цаарандан чигн кегдджанӧ.

Государствд малас авгддг эдл-уш хулдлгъар авгдсн социалистическ даалгъвриг болзгаснь урд кӱцӧлгъи гтетклгънӧ немр керг-ӱӱлдврин тускар КПСС-н таньгъчин комитет болн Хальмг АССР-н Министрмӱдин Совет тогтавр гаргъла. Колхозин правлӧн эн тогтаврар тӧр тӧвдж кӱӱндвр кегъӧд, государствд мах, ӱс хулдлгъна зураг болзгаснь урд кӱцӧв.

КПСС-н таньгъчин комитетин болн хальмг АССР-н министрмӱдин Советин тогтавр гарснас нааран эн колхозин ферме саалин ӱкрмӱдасн ӱс икӧр саадж авч, терӱгӧн государствд хулдхин тӧлӧ, саалин ӱкрмӱдӧн сӧӧнӧр асрдж йовсна ашд 2-ч номертӧ фермин коллектив 5337 килограмм ӱс зурагъасн ӱлӱгъӧр государствд хулдсн бӧӧнӧ. 1-ч номертӧ фермин коллектив — 4323 килограмм немр ӱс государствд хулдв. Колхозин цуг ферме 10 тонн ӱс зурагъасн ӱлӱгъӧр государствд хулдв.

Эн колхозин 1-ч номертӧ фермин коллектив (заведующнь КПСС-н член ӱр Василий Андреевич Уманцев) КПСС-н ЦК-н Пленумиг кӧдлмшин диилврӧр уктхар ноолдджана. Келхд, эн джил чилтл саалин ӱкр болгънас такад 100-д килограмм ӱс саадж авч государствд хулдхар шинӧс даалгъвр.

Социалистическ дӧрлдӧнӧ ноолдӧнд саальч ӱр Катя Литвиненко болн Вера Катаева тӱрӱн орм эзджӧнӧ.

**В. НОНЧАКОВ.**